

xis genibus salutarent , & tibi ab Auctore eodem tantæ felicitatis diuturnitatem , atque incolumitatem vitæ precarentur , id ego mihi pro mea virili parte licet minimo, veteri tamen Sanctitatis tuæ clienti præstandum , vt debitum mihi officium existimaui , simulatque lætissimus ille Creationis tuæ nuncius est a nobis exauditus. Verum cum & domestica me negotia distinerent, & longam alioqui profectionem huiusce officij causa instituere non satis opportunum videretur, consilium iniij, vt tuæ Beatitudini absens humillimè gratulationis debita persoluerem, occasione quadam admonitus. Erat enim sub prælo AVREVM THEOLOGIAE ROSARIVM, insigne opus, & ad vniuersam diuinam scientiam cum primis vtile, ac necessarium: Quod a R. P. PELBARTO Themeseuar de sacrosancta Diui Francisci Familia ex varijs, & ijs quidem illustrioribus Latinæ Scholæ Theologis singulari methodo, ac doctrina iamdiu confectum fuerat : nunc vero nescio qua temporis iniuria ferè ex hominum exciderat memoria. Cuius sanè operis editionem, (quod nequeo silentio præterire) studiosi non minus, quam nobis ipsis acceptam ferrent Aloysio Balbo viro doctissimo, & eloquentissimo, ex cuius nobilissima Bibliotheca